

*Die 3 Januarii 1532 in Consilio
Paduanorum.*

Havendo li progenitori nostri in diversi tempi, et *maxime* ultimo loco 1506, provisto a le immoderate et excessive spese se facevano nel pastizar con grandissimo danno et iactura de citadini, le qual provision per la varietà de tempi fin hora par siano andate in disuetudine *imo* più presto augmentata, al che certamente per honor et utefe de questa città fa bisogno proveder, et havendo più et più fiate li spectabili deputati et XVI consultato questa materia et invigilando al bon utile et comodo universale de la città, hanno deliberato poner la infrascrita parte: *videlicet* che non inherendo a la parte preditta de l'anno 1506, et quella confirmando in materia de pasti, che niuna persona de qualunque stado et grado et condition se sia, subietta al magnifico podestà de Padoa, over substinente la graveza con questa magnifica città, possi si a pasti de noze come de qualunque altra sorte, si publici come privati, *aut etiam* de compagnie, dar salvo che due imbandigione et sorte de vivande, zoè una de rosto et una de lessò, prohibendo però in tutto zenzaro over zuchato, faxani, pernise, pavoni, pizoni grossi, tordi, quaglie, cotorni, tortore, francolini, et ogni altra sorte de oxeli silvestri, et similmente sia prohibito a dar de ogni sorte animali quadrupedi silvestri come sono lieveri, conigli, caprioli, porzi cergiari et altri simel animali; sia *tamen* licito oltra le preditte due imbandison dar una sorte de torta *tantum* et per antipasto una vivanda de figadeti over compostelle et *cum* el rosto over lessò una sorte de sapor et non più, prohibendo al tutto ogni sorte de pastici et ogni altra sorte de manzar bianco et salsa ditta regale; et non se possi dar a pasto alcun più de una sorte de confeti *videlicet* ave, pizarcati *aut* marzapani *sive* confeti menudi, et ogni altra sorte sia prohibita, nè a pasti de carne se possi dar vivanda alcuna de pesse. Et per esser introduta una nova pratica con grandissima spesa, *videlicet* condur buffoni a pasti, comedie over altre simel momarie, per tanto siano al tutto prohibite.

A pasti veramente de pessi se possano dar *solum* due imbandisone de pessi nostrani prohibendo al tutto trutte, temoli de ogni sorte, et se possi dar due vivande de pesse de mar et non più, prohibendo al tutto storioni, varoli, ostreghe; se possi *etiam* dar una sorte de torta et non più, et una sorte de sapor, prohibendo in tutto ogni sorte de pessi de

lagi externi, et se possi dar una sorte de confeti *tantum*, et siano al tutto prohibiti ogni sorte de pastici et manzar bianchi come in la parte de la carne se leze.

Item, se intende esser pasto et convivio da 4 persone in suso, oltra quelli de caxa.

Soto pena a quelli contrafaranno per cadauna volta de esser privi de officio et beneficio de questa città per anni 10, et esserli duplicato lo extimo per ditto tempo et de ducati 100 da esser divisi in tre 185* parte: una a le fabriche publiche in arbitrio de clarissimi signor retori, uno terzo a lo acusador se li sarà si *minus* a la mercede del sacro Monte de Pietà, l'altro terzo a li censori seranno eleti per questo magnifico Conseio, i quali censori cadano a la medema pena se habuta notitia non exequiranno, et sia confirmata la presente parte per la illustrissima Signoria nostra, et ogni anno lezer se debbi al tempo de consigli et in principio.

*Quae pars publicata contradita et viriliter
defensa et posita ad iudicium consilii, fuerunt
pro ballotis 68 contra ballotas 26 Capta.*

A dì 25, fo San Polo, et per el dito di *claras* 186 *dies Pauli* fo nivolo et vento, significa mortalità et guerra.

Fo aldito in-Collegio alcuni turchi venuti con le galle di Baruto di Aleppo, dieno haver da sier Piero di Prioli di sier Francesco et sier Antonio Dandolo qu. sier Alvise, et dimandano raxon, *unde* fo poi conza la cosa tra l'horo et, satisfati li turchi di parte, andorono via.

Vene il reverendo episcopo di Verona *olim* Dattario, et da poi le parole zeneral ditoli per el Serenissimo, li fo fato lezer la risposta dil Senato, el qual restò satisfato, et che 'l scriveria al Papa.

Da poi disnar, fo Gran Conseio, non fu el Serenissimo, vicedoxe sier Polo Nani el consier in paonazo, et io Marin Sanudo saliti in la prima electione a danno di qual che sia; fo fato patron a l'Arsenal et altre 8 voxe tutte pa

Fu posto, per sier Alexandro Bon, sier Hironimo Sagredo cai di XL, el terzo sier Zuan Barbarigo, era in eletion, una parte presa a di 19 di questo in Quarantia Criminal, che le cause civil che a li consigli si menerano venendo a una balota non se intenda impatà *ut in parte*. La copia è qui avanti. Ave:

Fu posto, per li ditti, un'altra parte, pur presa a di 19 dito in Quarantia Criminal, che li nodari